

SARS na SAICA va sayina MOU ku pfuneta ku nyika vuswikoti eka muhlengeleti wa xibalo

Tshwane 06 Mawuwani 2021 - Khomixinara wa Vukorhokeri bya Xibalo bya Afrika-Dzonga (SARS), Tatana Edward Kieswetter, na Muofisirinkulu (CEO) wa South African Institute of Chartered Accountants (SAICA), Tatana Freeman Nomvalo, va pfumelelanile ku tumbuluxa xinakulobye lexi nga ta va vuyerisa havambirhi ku aka vuswikoti bya SARS.

Tanihi xiphemu xa phurosese ya yona yo tiyisisa leswaku yi va na vuswikoti lebyi lavekaka ku hetisisa xileriso xa yona, SARS yi tshunelerile SAICA leswaku yi yi pfuna ku gangisa vatokoti lava nga na ntokoto wa xibalo na forensiki ku pfuneta ku nyika vuswikoti eka nhlango hi ku tirhisa switirhisiwa leswi nga eka tshaku ra swirho swa *SAICA Chartered Accountancy*.

Ntirhisano wu ta pfuneta SARS ku fikelela xilaveko xa vuswikoti eka tindhawu to fana na Oditi leyi Hlawulekeke, Rhurhiso wa swa Mixavo, Nkhukhulo wa Tshaku na Ntshuneto wa Bindzulo, Ikhonomi leyi na ri ki Enawini na Yuniti ya Vanhu va Switsutsu. Hi ku ya hi Memorandamu ya Ntwisisano (MOU), SAICA yi ta pfuneta SARS eku hlawuleni no gangisa talenta leyi seketeriweke hi ntokoto, mithwaso na ndlela ya ntirhovutomi eka tindhawu leti landzelaka:

1. Valeteriwa: Swichudeni leswi hetiseke tidyondzo ta swona ta le yunivhesiti ta nthwaso wo sungula na yo tlhandekela lava leteriwaka eka ku thwasela ku va tiCAs(SA) eka SARS;
2. Vakamberiwa lava thwaseke sweswinyana: Tiphurofexinali letitsongo leti ta ha ku thwasaka sweswinyana tanihi CAs(SA) naswona leti nga na ntsakelo eka xibalo na vuleteri lebyi yelanaka ti ta va na nkarhi wo sungula mitirhovutomi ya tona na muhlengeleti wa xibalo.
3. Tikhandideti leti nga na vuswikoti: CAs(SA) leti nga na vuswikoti na ntokoto eka xibalo na vuleteri lebyi yelanaka ti ta va na nkarhi wo rhangela /pfuneta swipano na mindzavisiso eka SARS.

SAICA yi ta tirha na SARS ku ndlandlamuxa swivandla swo hambanahambana swa ntholo swa SARS eka swirho swa yona ku pfuneta hi ntolovelu wa SARS wo nyika vuswikoti sweswi yi nga langutana no aka mfumo lowu kotaka hi ku tirhisa muhlengeleti wa xibalo loyi a hetisekeke no

tiya. Ku engetelela, SAICA yi tinyiketerile eka nhluvukiso lowu ya ka emahlweni wa swirho swa yona hi ku tirhisa swivandla swa nhluvukiso swa xiphurofexinali leswi ya ka emahlweni.

Mayelana na swivutiso swa vuhangalasangungu, u komberiwa ku tihlanganisa na:

SARS' Media Contact: Anton Fisher at SARSMedia@sars.gov.za, or

SAICA's Media Contact: Karin Jacobsen at karinj@saica.co.za.